

Ibuku rĩa Ngai kũrĩ ciana
nĩrĩrakũrehera



Mũthamaki
Daudi
(Gĩcunjĩ 1)



Rwandĩkĩtwo nĩ: Edward Hughes

Rũthathaũrĩtwo nĩ: Lazarus
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani


Rũtungĩtwo nĩ: Bible for Children
www.M1914.org

©2022 Bible for Children, Inc.


Rũtha: Nĩwĩfĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Mwanake Daudi nĩ kũũra ooraga. Mũthamaki Saũlũ
eendaga kũmũũraga. Daudi aikaraga werũinĩ,
ngurungainĩ nene arĩ na arũmĩrĩri magana mana.



Rĩmwe thigari cia mũthamaki Saũlũ ciari hakuĩ
kũmuona. No Daudi agĩthĩĩ na mbere kũũra.



Ndungata ya Saũlũ, Doegu, akĩĩra mũthamaki atĩ
athĩnjĩri Ngai nĩmateithĩtie Daudi kũũra. Saũlũ
agĩathana mooragwo. No Doegu tu wetĩkĩrĩre gwĩka
ũguo! Akĩũraga athĩnjĩri mĩrongo ĩnaana na atano
na bamĩri ciao na rũhiũ.
Waarĩ ũndũ wa waganu mũno.



Mũthenya ũmwe
Saũlũ acaragia
Daudi na akĩingĩra
ngurunga ĩrĩa
Daudi na andũ
aake mehithĩite.
Saũlũ aarĩ wiki.




Thĩĩnĩ wa ngurunga Daudi
nĩangĩoragire Saũlũ
raithi. No agĩkuhĩrĩria
na agĩtinia gĩcunjĩ
kĩa nguo ya Saũlũ
akĩhũthĩra kahiũ
kaarĩ kogĩ.



Rĩrĩa Saũlũ aumire, Daudi akĩmwĩta.
“Ndatinia gĩcunjĩ kĩa nguo yaaku
na ndinakũũraga, nĩũĩ na nĩwoona
atĩ hatirĩ na ũũru kana ũremi
mookoinĩ makwa . . .”



Saũlũ augire nĩahera nĩũndũ wa kũgeria kũguraria Daudi. No thuutha wa kahinda kaniini marakara maake magicooka na agĩcokaĩrĩria mbũtũ ya arũme magana matatũ moorage Daudi. Ũtukũ ũmwe, rĩrĩa mbũtũ yakomeete, Daudi na Abishai, ũmwe wa thigari ciake, magĩkuruma makĩingĩra kambĩ iria Saũlũ akomeete.





Abishai akĩmwĩra kahora,
"Ngai nĩaheanĩite thũ
ciaku mookoinĩ maaku
ũmũthi. Reke ndĩmũgũthe
riita rĩmwe na itimũ,
anyitane na thi: na
ndikũmũgutha riita rĩngĩ."





Daudi akĩregaga. Akĩoya itimũ rĩa Saũlũ na kĩbũyũ, na akiuma kambĩ. Kuuma karĩma kaarĩ mũrĩmo ũcio ũngĩ, Daudi akĩanĩrĩra nginya Saũlũ akĩmũigua. Riita rĩngĩ Saũlũ akĩhera nĩũndũ wa kũgeria kũguraria Daudi. No Daudi nĩamenyaga atĩ ndagĩhota kwĩhoka kiugo kĩa Saũlũ.



Hĩndĩ ĩno Samueli nĩakuĩte.
Aarĩ mũnabii ũrĩa Ngai erĩite
aitĩrĩrie Saũlũ maguta arĩ wa
mbere, acoketwo nĩ Daudi, ta
mũthamaki wa Isiraeli. Rĩrĩa
Afilisti matharĩkĩire Isiraeli,
Saũlũ agĩĩka ũndũ mũũru,
ũndũ Ngai akananĩtie.



Agĩatha mũtumia eete Samueli kuuma kũrĩ akuũ.
Ūtukũ ũcio, Saũlũ akĩamũkĩra ndũmĩrĩri.



“... Mwathani nĩagũtigĩite na agatũĩka thũ yaaku . . . Mwathani nĩ atarũrĩite ũthamaki kuuma mookoinĩ maaku na akaũnengera mũndũ ũngĩ, wĩtagwo Daudi. Rũcĩu, we na ciana ciaku mũgaakorwo hamwe nanĩ. Ngai nĩakũneana mbũtũ cia Isiraeli mookoinĩ ma Afilisti.” Rĩrĩa Saũlũ aigwire ũguo akĩgũa nĩ gwĩtigira.



Afilisti makirũa na Aisiraeli
nginya arũi a Isiraeli makĩũra.
Afilisti makĩũraga aariũ
a Saũlũ, hamwe na
Jonathani mũraata
wa ma wa Daudi.



Saũlũ nĩaguraririo mũno
nĩ arathi na ũta. Na
akĩira mũkuui wa ngo,
"Ruta rūhiũ na ũtheece
naruo nĩguo andũ
aya aaganu matigooke
na matheece na
manyanaange." No
mũkuui wa ngo akĩrega,
tondũ nĩetigagĩra mũno.
Saũlũ akĩoya rūhiũ
rwake na akĩrũgwĩra.





Rĩrĩa Afilisti moonire
ciimba cia Saũlũ na aariũ
aake, magĩcioherera
thingoinĩ cia itũũra rĩa
Isiraeli rĩagwatĩitwo. No
nĩkũrĩ na Aisiraeli maarĩ
na ũcamba mahonokirie
ciimba icio na
magĩciinũkĩa
kũrĩa ciacinirwo
itanathikwo Isiraeli.





Rĩrĩa Daudi aiguire
ndũmĩrĩri ĩyo njũru,
agĩcakaya na akĩrĩa na
akĩĩhinga kũrĩa nginya
hwaĩinĩ nĩũndũ wa Saũlũ
na Jonathani mũũrũwe,
na nĩũndũ wa andũ a
Mwathani, nĩũndũ
mooragirwo na rũhiũ.



Onagũkorwo Saũlũ nĩagereetie
kũũraga Daudi, Daudi nĩatĩire
Saũlũ ta mũitĩrĩrie maguta
wa Ngai nginya mũico. Rĩu
Ngai agĩtĩĩa Daudi, akĩmũtua
mũthamaki handũinĩ ha Saũlũ.



Mũthamaki Daudi (Gĩcunjĩ 1)

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

1 Samueli 24-31, 2 Samueli 1-2

"Ciugo Ciaku ciatarĩrio nĩrehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũcĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

